

全上古三代秦漢三國六朝文

全晉文卷一百二十六

烏程嚴可均校輯

熊遠

遠字孝文豫章南昌人初爲縣功曹郡辟文學掾察孝廉不行郡又辟功曹州又辟主簿別駕秀才除監軍華軼司馬領武昌太守寧遠將軍元帝爲丞相引爲主簿轉參軍又轉從事中郎及卽位累遷太子中庶子尚書左丞散騎常侍轉御史中丞遷侍中出補會稽內史王敦舉兵徵拜太常敦引爲長史尋病卒有集十二卷

廣昌鄉君喪宜廢冬至小會表

案禮君子卿大夫比葬不食肉比卒哭不舉樂惻隱之心未忍行吉事故也被尙書符冬至後二日小會臣已爲廣昌鄉君喪殯日淺聖恩垂悼禮大夫死廢一時之祭祭猶可廢而況餘事乎冬至

唯可羣下奉賀而已未宜便小會

晉書禮志中元南嶽廣昌鄉君  
喪未葬中丞熊遠表又見通典

八十一  
百四十七

聞北陵被發上疏

園陵既不親行承傳言之者未可爲定且園陵非一而直言侵犯  
遠近弔問若之宜當有主謂應更遣使攝河南尹案行得審問然  
後可發哀卽宜命將至洛脩復園陵討除逆類昔宋殺無畏莊王  
奮袂而起衣冠相追于道軍成宋城之下況此酷辱之大恥臣子  
奔馳之日夫脩園陵至孝也討逆叛至順也救社稷至義也卽遺  
黎至仁也若脩此四道則天下響應無思不服矣昔項羽殺義帝  
已爲罪漢祖哭之已爲義劉項存亡在此一舉羣賊豺狼弱于往  
日惡逆之甚重于丘山大晉受命未改于上兆庶謳吟思德于下  
今順天下之心命貔貅之士鳴櫓前驅大軍後至威風赫然聲振  
朔野則上副西土義士之情下允海內延頸之望矣

晉書熊遠傳  
元帝作相列

為主簿時傳北陵被  
發將舉哀遠上疏

上疏諫親征杜弼

皇綱失統中夏多故聖主肇祚遠奉西都梓宮外次未反園陵逆  
寇遊魂國賊未夷明公憂勞乃心王室伏讀聖教人懷慷慨杜弼  
小豎寇抄湘川比年征討經載不夷昔高宗伐鬼方三年乃剋用  
兵之難非獨在今伏呂古今之霸王遭時艱難亦有親征呂隆大  
勳亦有遣將呂平小寇今公親征文武將吏度支籌量舟輿器械  
所出若足用者然後可征愚謂宜如前遣五千人徑與水軍進征  
既可得速必不後時昔齊用穰苴燕晉退軍秦用王翦剋平南荆  
必使督護得才即賊不足慮也晉書熊遠傳遠轉丞相參軍時琅邪國侍郎王鑒勸帝親征杜弼遠

因災異上疏

被庚午詔書曰雷電震暴雨非時深自剋責雖禹湯罪己未足已

喻臣聞于天道竊曰人事論之陛下節儉敦朴愷悌流惠而王化未興者皆羣公卿士不能夙夜在公曰益大化素餐負乘批穢明時之責也今逆賊猾夏暴虐滋甚二帝幽殯梓宮未反四海延頸莫不東望而未能遣軍北討讎賊未報此一失也昔齊侯既敗七年不飲酒食肉況此恥尤大臣子之責宜在枕戈爲王前驅若此志未果者當上下克儉恤人養士微樂減膳惟脩戎事陛下憂勞于上而羣官未同戚容于下每有會同務在調戲酒色而已此二失也選官用人不料實德惟在白望不求才幹鄉舉道廢請託交行有德而無力者退脩望而有助者進稱職曰違俗見譏虛資曰從容見貴是故公正道廢私塗日開疆弱相陵冤枉不理今當官者曰理事爲俗吏奉法爲苛刻盡禮爲諂諛從容爲高妙放蕩爲達士驕蹇爲簡雅此三失也世所謂三失者公法加其身私議貶其非轉見排退陸沈泥滓時所謂三善者王法所不加清論美其

賢漸相登進仕不輟官攀龍附鳳翔翔雲霄遂使世人削方爲圓  
撓直爲曲豈待顧道德之清塗踐仁義之區域乎是曰萬機未整  
風俗僞薄皆此之由不明其黜陟曰審能否此則俗未可得而變  
也今朝廷羣司曰從順爲善相違見貶不復論才之曲直言之得  
失也時有言者或不見用是曰朝少辯爭之臣士有祿仕之志焉  
郭翼上書武帝擢爲屯甯令又置諫官所曰容受直言誘進將來  
故人得自盡言無隱諱任官然後爵之位定然後祿之敷奏曰言  
明試曰功車服曰庸舜猶歷試諸難而今先祿不試甚違古義亂  
之所由也求才急于疏賤用刑先于親貴然後令行禁止野無遺  
滯堯取舜于仄陋舜拔賢于巖穴姬公不曲繩于天倫叔向不虧  
法于孔懷今朝廷法吏多出于寒賤是曰章書日奏而不足曰懲  
物官人選才而不足曰濟事宜招賢良于屠釣聘耿介于丘園若  
此道不改雖并官省職無救弊亂也能哲而惠何憂乎騷鬼何遷

平有苗何畏乎巧言令色孔任此官得其人之益也

晉書熊遠傳遠爲御史中

丞時冬雷電且大雨帝下書責躬引過遠復上疏

奏請議獄皆準律令

禮曰崇善法曰閑非故禮有常典法有常防人知惡而無邪心是  
曰周建象魏之制漢創畫一之法故能闡弘大道已至刑厝律令  
之作由來尙矣經賢智歷夷險隨時斟酌最爲周備自軍興以來  
法度陵替至于處事不用律令競作厲命人立異議曲適物情虧  
傷大例府立節度復不奉用臨事改制朝作夕改至于主者不敢  
任法每輒開諮委之大官非爲政之體若本曹處事不合法令監  
司當曰法彈違不得動用聞塞曰壞成事案法蓋竊術非妙道也  
矯割物情曰成法耳若每隨物情輒改物制此爲曰情壞法法之  
不一是謂多門開人事之路廣私請之端非先王立法之本意也  
凡爲駁議者若違律令節度當合經傳及前比故事不得任情已

破成法，愷謂宜令錄事更立條制。諸立議者，皆當引律令經傳，不得直引情言，無所依準。曰：「虧舊典也。」若開塞隨宜，權道制物，此是人君之所得行，非臣子所宜專用。主者唯當徵文據法，曰：「事爲斷耳。」

晉書刑法志：通典一百六十四元帝爲丞相時，主簿熊遠奏云云。

### 建議勸農桑

立春之日，天子祈穀于上帝，乃擇良辰，載耒耜，帥三公九卿諸侯大夫躬耕，帝藉。曰：「勸農功。」詩云：「弗躬弗親，庶人不信。」自喪亂以來，農桑不脩，游食者多，皆由去本逐末故也。

晉書熊遠傳：江東草創農桑，弛廢遠建議。

懷帝梓宮未返，正會不宜作樂議

謹案：尙書堯崩，四海遏密八音。禮云：「凶年天子徹樂減膳。」孝懷皇帝梓宮未返，豺狼當塗，人神同忿，兆庶怨嗟。公明德茂親，社稷是賴。今杜弢蟻聚湘川，比歲征行，百姓疲弊，故使義眾奉迎，未舉履端元日，正始之初，貢士鱗萃，南北雲集，有識之士，于是觀禮。公與

國同體憂容未歇昔齊桓貫澤之會有憂中國之心不召而至者數國及葵丘自矜叛者九國人心所歸惟道與義將紹皇綱于既往恢霸業于來今表道德之軌闡忠孝之儀明仁義之統弘禮樂之本使四方之士退懷嘉則今榮耳目之觀崇戲弄之好懼違雲韶雅頌之美非納輶物有塵大教如矜黎庶塗炭之困曰廢歡悅伎樂之事謂宜設膳曰賜羣下而已

晉書熊遠傳通典一百四十七建興元年十二月主簿熊

遠議  
諫曰尚書令荀組領豫州牧啟

伏見吏部曰太尉荀組爲尚書令復令豫州牧自三代以來未聞已納言之臣而出領牧伯者組朝之素望識了舊典不應處外

記十一通  
典二十二

論親死賊中啟

父母死河北賊中如襄國平陽可依此制若王化所被人跡所及

可往而不往，非曰篤孝道也。詩人喪馬，猶求之林下，不得漫依東

關通典九十八

辛謚

謚字叔重，又字處道。隴西狄道人。召拜太子舍人。諸王文學，不起。永嘉末，曰：「爲兼散騎常侍，慰撫關中。」劉聰陷長安，徵太中大夫，不受。歷石勒、石虎，竝不應辟命。冉閔僭號，徵爲太常，不食而卒。

道冉閔書

昔許由辭堯，曰：「天下讓之，全其清高之節。」伯夷去國，子推逃賞，皆顯史牒，傳之無窮。此往而不返者也。然賢人君子，雖居廟堂之上，無異于山林之中，斯窮理盡性之妙，豈有識之者邪？是故不嬰于禍難者，非爲避之，但冥心至趣，而與吉會爾。謚聞物極則變，冬夏是也。致高則危，累基是也。君王功已成矣，而久處之，非所曰顧萬

全遠危亡之禍也。宜因茲大捷歸身本朝。必有許由伯夷之廉享  
喬松之壽。永爲世輔。豈不美哉。晉書隱逸辛謚傳又見十六國春秋十九

孔夷

夷建興初爲從事中郎

顏含周喪嫁女議

鄭立曰未嫁成人降其舅親。曰明當及時者同降。若嫁有時而遭  
喪。因喪而降之。非言齊縗之中可嫁女。學者多昧此旨。非獨在今  
含應見原。通典六十劉隗上言王籍周喪娶主簿江旻又言顏含周喪遣女從事中郎議主簿孔夷議

孔愉

愉字敬康。會稽山陰人。吳平遷洛。後還鄉。建興初年五十始應  
元帝召。爲丞相掾。仍除駙馬都尉。參丞相軍事。曰討華軼功。封  
餘不亭侯。建武初。長兼中書郎。大興中。出爲司徒左長史。累遷  
吳興太守。明帝時。拜御史中丞。遷侍中。成帝時。爲太常。徙尙書。

轉尚書右僕射領東海王師遷左僕射後爲尚書僕射轉護軍將軍加散騎常侍復徙領軍將軍加金紫光祿大夫領國子祭酒出爲鎮軍將軍會稽內史致仕咸康八年卒年七十五贈車騎將軍開府儀同三司諡曰貞

### 重表讓稟賜

臣曰朽闇忝廁朝右而曰情劣無益毗佐方今疆寇未殄疆場日駭政煩役重百姓困苦奸吏擅威暴人肆虐大獎之後倉庫空虛功勞之士賞報不足困悴之餘未見拯恤呼嗟之怨人鬼感動宜許官省職貶食師用勤撫其人曰濟其艱臣等不能贊揚大化糾明刑政而偷安高位橫受寵給無德而祿殃必及之不敢橫受殊施曰重罪戾

晉書孔愉傳咸和八年詔給左僕射愉曰二十人稟賜愉上疏固讓優詔不許重表

### 奏日蝕伐鼓非舊典

春秋日有蝕之天子伐鼓于社攻諸陰也諸侯伐鼓于朝臣自攻

也案尙書符若日之有變便擊鼓于諸門有違舊典

晉書禮志上宋書禮志一

又通典七十八作有司奏

爲舊君服議

應從弟子服師之制昔夫子既喪門人若喪父而無服弔服加麻今縱不能爾自宜三月加已縗經未聞深衣之制白紵布衣是今之吉服君弔其臣猶錫縗汎臨故君而可奪情服乎

通典九十

孔注

汪字德澤愉子孝武時累遷至侍中尙書太常卿出爲征虜將軍假節都督交廣二州軍事平越中郎將廣州刺史太元十七年卒有集十卷

四府君郊配議

太始開元所已上祭四府君誠已世數尙近可得饗祠非若殷周先世王迹所因也向使京兆爾時在七世之外自當不祭此四王

推此知既毀之後則殷禘所絕矣

宋書禮志三太元十二年詔議明堂郊祀太常孔汪議

### 荅范甯問

范甯問孔德澤云甲無子取其族子乙爲後所生父沒降服周甲晚自生子乙歸本家後甲終乙當有服否若服當制何服孔荅曰代人行之侶當無服繼母嘗爲母子既出服周推此粗可相況

九十

范又難必當有服未辨服之定準云繼母既出服周此理所出爲分明釋耳孔又荅云繼母出爲服周是父沒而嫁賀循要記亦謂之出當已捨此適彼不獨在嫁可已意領故不必繼于本也

同上  
孔安國

安國字安國愉第三子孝武時爲侍中太常安帝時再爲會稽內史遷領軍將軍領東海王師歷尚書左右僕射義熙四年卒贈左光祿大夫

殷祠啟

元興三年夏應殷祠昔年三月皇輿旋軫其年四月夏應殷而太常博士徐乾等議云應用孟秋臺尋校自泰和四年相承皆用冬夏乾等既伏應孟冬回復追明孟秋非失御史中丞范泰議今雖既耐之後得已烝嘗而無殷薦之比太元二十一年十月應殷烈宗已其年九月崩至隆安三年國家大吉乃脩殷事又禮有喪則廢吉祭祭新主于寢今不設別寢既耐祭于廟故四時烝嘗已寄追遠之思三年一禘已習昭穆之序義本各異三年喪畢則合食太祖遇時則殷無取于限三十月也當是內臺常已限月成舊就如所言有喪可殷隆安之初果已喪而廢矣月數少多復遲速失中至于應寢而修意所未譬

宋書禮志三義熙二年六月白衣領尚書左僕射孔安國啟云云

又啟

范泰云今既耐遂祭于廟故四時烝嘗如泰此言殷與烝嘗其本

不同既祔之後可親烝嘗而不得親殷也太常劉瑾云章后喪未  
一周不應祭臣尋升平五年五月穆皇帝崩其年七月山陵十月  
殷興寧三年二月哀皇帝崩泰和元年五月海西夫人庾氏薨時  
爲皇后七月葬十月殷此在哀皇再周之內庾夫人既葬之後二  
殷策文見在廟又文皇后已隆安四年七月崩陛下追述先旨躬  
服重制五年十月殷再周之內不曰廢事今曰小君之哀而泰更  
謂不得行大禮臣尋永和十年至今五十餘載用三十月輒殷皆  
見于注記是依禮五年再殷而泰所言非真難臣乃已聖朝所用  
遲速失中泰爲憲司自應明審是非羣臣所啟不允卽當責失泰  
彈而警慢情稽停遂非忘舊請免泰瑾官

宋書禮志三

孔坦

坦字君平愉從弟元帝爲晉王已爲世子文學東宮建補太子  
舍人遷尙書郎免明帝時揚州刺史王導請爲別駕成帝初遷

尚書左丞蘇峻反爲陶侃長史峻平遷吳興內史封晉陵男加建威將軍免尋拜侍中咸康初大司馬王導請爲司馬遷侍中出爲廷尉已疾去職加散騎常侍遷尚書未拜卒贈光祿勳諡曰簡有集十七卷

初到尚書郎對策

問曰吳興徐馥爲賊殺郡將郡今應舉孝廉不坦對曰四罪不相及殛鯨而興禹徐馥爲亂何妨一郡之賢

又問奸臣賊子弑君汗宮漸宅莫大之惡也鄉舊廢四科之選今何所依坦曰季平子逐魯昭公豈可廢仲尼也

晉書孔坦傳

謝賜酒柑表

天恩例賜靈酒黃柑不勝受遇謹表已聞

御覽九百六十六

奏議策除秀孝

臣聞經邦建國教學爲先移風崇化莫尚斯矣古者且耕且學三

年而通一經。呂平康之世。猶假漸漬。積日。且自喪亂已來。十有餘年。干戈載揚。俎豆禮戢。家廢講誦。國闕庠序。率爾責試。竊已爲疑。然宣下已來。涉歷三載。累遇慶會。遂未一試。揚州諸郡。接近京都。懼累及君父。多不敢行。其遠州邊郡。掩誣朝廷。冀于不試。冒昧來赴。旣到審試。遂不敢會。臣愚。呂不會與不行。其爲闕也同。若當偏加除署。是爲肅法奉憲者失分。僥倖投射者得官。頽風傷教。懼于是始。夫王言如絲。其出如綸。臨事改制。示短天下。人聽有惑。臣竊惜之。愚。呂王命無貳。憲制宜信。去年察舉。一皆策試。如不能試。可不拘到。遣歸不署。又秀才雖。呂事策。亦汎問經義。苟所未學。實難闇通。不足復曲碎乖例。違舊造異。謂宜因其不會。徐更革制。可申明前下。崇脩學校。普延五年。呂展講習。鈞法齊訓。示人軌則。夫信之與法。爲政之綱。施之家室。猶弗可貳。況經國之典。而可玩躐乎。晉書孔坦傳先是呂兵亂之後務存慰悅遠方秀孝到不策試曹皆除署至是帝申明舊制皆令試經有不中科刺史太守免

自太興三年秀孝多不敢行其有到者並記  
疾帝欲除署孝廉而秀才如前制坦奏議

與石聰書

華狄道乖南北迴邈瞻河企宋每懷飢渴數會陽九天禍晉國姦  
凶猾夏乘釁肆虐我德雖衰天命未改乾符啟再集之慶中興應  
靈期之會百六之艱既過惟新之美日隆而神州振蕩遺氓波散  
誓命戎狄之手跼蹐豺狼之穴朝廷每監寐永歎痛心疾首天罰  
既集罪人斯隕王旅未加自相魚肉豈非人怨神怒天降其災蘭  
艾同焚賢愚所歎矜哀勿喜我后之仁大赦曠廓惟虎是計彭譙  
使至粗具動靜知將軍念疾醜類翻然同舉承問欣豫慶若在自己  
何知幾之先覺介石之易悟哉引領來儀怪無聲息將軍出自名  
族誕育洪胄遭世多故國傾家覆生離親屬假養異類雖逼僞寵  
將亦何賴聞之者猶或有悼況身嬰之能不憤慨哉非我族類其  
心必異誠反族歸正之秋圖義建功之日也若將軍喻納往言宣

之同盟率關右之眾輔河南之卒申威趙魏爲國前驅雖寶融之保河西黥布之去項羽比諸古人未足爲喻聖上寬明率輔弘納雖射鉤之隙賞之故行雍齒之限侯之列國況二三子無曩人之嫌而遇天啟之會當如影響有何遲疑今六軍戒嚴水陸齊舉熊羆踴躍龍噬爭先鋒鏑一交玉石同碎雖復後悔嗟何及矣僕已不才世荷國寵雖實不敏誠爲行李之主區區之情還信所具夫機事不先鮮不後悔自求多福惟將軍圖之

晉書孔坦傳又見十六國春秋二十

臨終與庾亮書

不謂疾苦遂至頓獎自省繇繇奄忽無日脩短命也將何所悲但已身往名沒朝恩不報所懷未敘卽命多恨耳足下已伯舅之尊居方伯之重抗威顧盼名震天下懷橡之佐常願下風使九服式序四海一統封京觀于中原反紫極于華壤是宿昔之所味詠慷慨之本誠矣今中道而斃豈不惜哉若死而有靈潛聽風烈

晉書孔坦

傳

孔羣

羣字敬林，愉從弟，仕至御史中丞。

與親友書

今年田得七百石，秬米不足了麴糶事。晉書孔羣傳

孔嚴

嚴字彭祖，羣兄子，仕州郡，歷司徒掾、尚書殿中郎。殷浩臨揚州，請爲別駕，遷尚書左丞。哀帝時，領尚書，廢帝時，拜吳興太守。有集十一卷。

諫鴻祀

鴻祀雖出尙書大傳，先儒所不究，歷代莫之興。承天接神，豈可已？疑殆行事乎？天道無親，唯德是輔。陛下祇順蒸敬，畱心兆庶，可已。消災復異，皆已蹈而行之，德合神明，上禱久矣。豈須屈萬乘之尊。

修雜祀之事君舉必書可不慎歟

晉書孔嚴傳  
隆和元年

與王彪之論蔡謨諡書

博士引禮之義曰通高尚之事穆誠實美諡然蔡公德業既重又是先帝師傅居總錄之任則是參貳宰相攷行定名議存實錄不可不詳

通典一百四

孔仰

仰爵里未詳

墓毀論

案禮聖人制殯葬之意蓋曰死者不可服存而孝子不忍棄其親故爲棺槨葬埋推其本心固在不忍棄之中爲禮節曰順孝子情耳原聖人之意蓋曰無知處形骸故曰幽閉長久爲安曰有知爲神靈故曰博廟尊嚴而顯尊嚴故可脩潛隱故不犯比之丘陵同之自然而不敢脩若遇寇發露可曰補復其外而不可改內哭泣

之日、曰事訖爲節、故廟災存三日哭之、之文墓毀無制哭之日、竊推夫理、恐不加異于廟災也、苟曰無知處之、則雖加開發、不能益死者之苦、但人情不忍見聞、見聞之日、有哭泣、一日五日、或十日、過者不足褒、不及不足貶、故聖人不爲之禮、通典一百二

賜進士出身、品銜廣東等處提刑按察使司按察使兼管驛傳事務黃岡王毓藻、

全晉文卷一百二十七

烏程嚴可均校輯

呂會

會愍帝時汝陰內史

上言任僑妻產女

案瑞應圖云異根同體謂之連理異苗同穎謂之嘉禾草木之屬

猶曰為瑞今二人同心天垂靈象故易云二人同心其利斷金嘉

徵顯見生于陝東之國斯蓋四海同心之瑞不勝喜踊搜神記謹

畫圖曰上宋書五行志五又法苑珠林八十七引搜神記愍帝建

興四年新蔡縣吏任僑妻胡產二女相向腹心合同自

蘇峻

峻字子高長廣掖人少仕郡王簿舉孝廉元帝鎮江左遙假安

集將軍後泛海到廣陵轉鷹揚將軍除淮陵內史遷蘭陵相復

爲淮陵內史加奮威將軍大寧初更除臨淮內史已破王敦功  
進使持節冠軍將軍歷陽內史加散騎常侍封邵陵公咸和初  
與庾亮不平舉兵反宮城陷自爲驃騎領軍將軍錄尚書事溫  
嶠陶侃等討斬之

辭大司農表

昔明皇帝親執臣手使臣北討胡寇今中原未靖無用家爲乞補  
青州界一荒郡已展鷹犬之用

晉書蘇峻傳

劉超

超字世瑜琅邪臨沂人漢城陽景王之後少爲縣小吏遷琅  
邪國記室掾從元帝渡江轉安東府舍人相府建又爲舍人賜  
爵原鄉亭侯轉行參軍中興建爲中書舍人拜騎都尉奉朝請  
出補句容令入爲中書通事郎領安東上將軍明帝時封零陵  
伯出爲義興太守拜中書侍郎成帝初遷射聲校尉代趙盾爲

左衛將軍、徙右衛將軍、爲蘇峻所害、贈衛尉、諡曰忠、有集二卷、乞買外廩牛表

臣家裏應用一純牛、連市素不如意、外廩猥牛中、有任用者、臣請已正陌三萬錢、五匹布、乞已買此牛、御覽八百二十八

表

劉超病、給四順湯、書鈔十九

書

超死罪白、如命、皆令有本末、保任、然後受、隨宜分處、謹白、清化閣帖三

江啟

啟、建興中爲主簿、太興中累遷侍中、黃門侍郎、

論墓毀服表

案據鄭玄云、親見尸柩、不可無服、如鄭義、已見而服、不見不服也、司徒臨穎公前表、改葬之總、不曰吉臨凶、今聽其墳墓毀發、依改

葬服總麻不得奔赴及已修復者唯心喪縞素漢衣白幘哭臨三

月通典一百二太興二年侍中黃門侍郎江啟表

王籍等周喪嫁娶議

夫風節不振無已蕩獎俗禮義不備無已正人流籍已名門擢登賓友不能率身正道公違典憲誠是愷悌垂恕體例宜全又東閭祭酒顏含居叔父喪而遣女推尋舊事永康二年虞潛陳湛各有弟喪嫁子拜時司徒王渾奏免竊謂弟喪不重于叔父成婚之禮不輕于拜時含犯違禮典夫崇禮謂之有方之士不崇禮謂之方外之人況虧瘠創薄崇俗棄禮請免官禁止通典六十劉隗上言文學王籍周喪娶妻

主簿江啟

謝潛

潛建興中爲從事中郎

王籍等周喪嫁娶議

鄭玄已爲女子成人逆降舅親及將出者昔陳湛已女年過二十依鄭義不責遷任徐州不爲坐免久爲成比若含女未過二十宜如隗奏若謂鄭玄說與禮違當先除而後禁不宜制未下而責人也

通典六十司直劉隗上言文學王籍開喪娶妻從事中郎謝潛議云云

丁潭

潭字世康會稽山陰人爲郡功曹察孝廉元帝已爲丞相西閭祭酒及帝踐阼拜駙馬都尉奉朝請尙書祠部郎爲琅邪王郎中令遷王導驃騎司馬轉中書郎出爲廣武將軍東陽太守成帝卽位已爲散騎常侍侍中賜爵永安伯遷大尙書徙廷尉累遷左光祿大夫領國子祭酒本國大中正康帝初已光祿大夫致仕卒年八十贈侍中諡曰簡

上書陳時事損益

爲國者恃人須才蓋二千石長吏是也安可不明簡其才使必允

當既得其人使久于其職在官無苟且居下者有恆心此爲政之較也今之長吏遷轉既數有送迎之費古人三載考績三考黜陟中才處局故難已速成矣夫兵所已防禦未然鎮壓紆凶周雖三聖功成由武今戎戰之世益宜畱心簡選精銳已備不虞無事則優其身有難則責其力竊聞今之兵士或私有役使而營陣不充爲國者猶爲家也計才力之所任審趨舍之舉動不營難成之功損棄分外之役今兵人未彊當審其宜經塗遠舉未厭大捷便使力單財盡而威望挫弱也

晉書丁潭傳

上書求爲琅邪王褒行終喪禮

在三之義禮有達制近代已來或隨時降殺宜一匡革已敦于後輒案令文王侯之喪官僚服斬既葬而除今國無繼統喪庭無主臣實陋賤不足當重謬荷首任禮宜終喪

晉書丁潭傳

張亮

亮為太常博士太興初徙尚書郎

東海王為新蔡王殤服議

聖人因親已教愛親不同而殤有降殺蓋由知識未同成人故也  
七歲已下謂之無服之殤記曰臣不殤君子不殤父東海與新蔡  
別國旁親尊卑敵均則宜同殤制而無服也通典八十二新蔡王  
四歲而亡東海王移

訪太常博  
士張亮議

蜡臘議

案周禮禮記于注周禮云國祭蜡則獻下闕北堂書

案禮蜡者謂合聚萬物而索饗之歲終休老息民也臘者祭宗廟  
五祀則服玄蜡則服黃蜡臘不同總之非也傳曰臘接也祭則在  
新故交接也俗謂臘之明日為初歲秦漢已來有祝歲者古之遺  
語也世說德行篇注藝文  
類聚五御覽三十三  
臘日不宜舉哀戒嚴議

元帝大興二年天子祭宗廟社稷鼎俎既陳不得終事者四若五服之喪已常降者不曰廢從母無服之喪不宜廢事舉哀又禮祭之明日改祭午祔已燕皇尸殷謂之彤周謂之繹今雖未施彤繹之祭先王之典聖人重不忘但大臘之日休息黎眾百日之勤一日之澤未可戒嚴通典四十四太興二年未臘前一日詔明日當為范氏從母舉哀百官咸嚴尚書郎張亮議云

### 千寶

寶字今升新蔡人元帝承制召為著作佐郎賜爵關內侯中興建領國史出補山陰令遷始安太守王導請為司徒左長史遷散騎常侍有周易注十卷周易宗塗四卷周官注十二卷春秋左氏傳義十五卷晉紀二十三卷搜神記三十卷千子十八卷集五卷

表

臣前聊欲撰記古今怪異非常之事會聚散逸使同一貫博訪知之者片紙殘行事事各異

初學記二十一

### 駁招魂葬議

時有招魂攷之經傳則無聞焉近太傅公既屬寇亂屍柩不反時葬議招魂葬東海國學官今魯國周生曰爲宜爾盛陳其議皆多無證寶曰爲人死神浮歸天形沈歸地故爲宗廟曰賓其神衣衾曰表其形棺周于衣槨周于棺今失形于彼穿冢于此知亡者不可曰假存而無者獨可曰僞有哉未若曰遭禍之地備迎神之禮宗廟曰安之哀敬曰盡之周生議云魂堂几筵設于寢寢豈唯斂屍亦曰靈神也荅者曰古人有言夫禮者其事可陳也其義難知也是曰君子重于禮義夫別嫌明疑原情得旨者不亦微乎故其爲制有曰順鬼神之性有曰達生者之情然則冢曠之間有饋席本施骸骨未爲有魂神也若乃缸魂于棺閉神于槨居浮精于沈

魄之域匿遊氣于雍塞之室豈順鬼神之性而合聖人之意乎則葬魂之名亦幾于迂矣周生又云昔黃帝體仙登遐其臣扶微等斂其衣冠殯而葬焉則其證也答曰孔子論黃帝曰生而人利其化百年死而人畏其神百年亡而人用其教百年此黃帝亦死言仙謬也就使必仙何議于葬通典一百三

王昌前母服論

王昌事詳前竟陵王休文

禮有經有變有權王懿之事有爲爲之也有不可責曰始終之義不可求曰循常之文何羣議之紛錯同產者無嫡側之別而先生爲兄諸侯同爵無等級之差而先封爲長今二妻之入無貴賤之禮則宜曰先後爲秩順序義也今生而同室者寡死而同廟者眾及其神位固有上下也故春秋賢趙姬遭禮之變而得禮情也且夫吉凶哀樂動乎情者也五禮之制所曰敘情而卽事也今二母者本他人也曰名來親而恩否于時敬不及生愛不及喪夫何追

服之道哉。張惲劉卞得其先後之節。齊王衛恆通于服絕之制。可  
曰斷矣。朝廷于此宜導之。曰趙姬齊之。曰詔命使先妻恢含容之  
德。後妻崇卑讓之道。室人達長少之序。百姓見變禮之中。若此可  
曰居生。又況于死乎。古之王者有師友之禮。待其臣而不敢自尊。  
今令先妻曰一體接後。而後妻不敢抗。及其子孫交相爲服。禮之  
善物也。然則王昌兄弟相得之日。蓋宜祫祭二母。等其禮饋。序其  
先後。配曰左右。兄弟肅雍。交酬奏獻。上曰恕先父之志。中曰高二  
母之德。下曰齊兄弟之好。使義風弘于王教。慈讓洽乎急難。不亦  
得禮之本乎。晉書禮志中

晉紀總論

史記曰。昔高祖宣皇帝。曰雄才碩量。應運而仕。值魏太祖創基之  
初。籌畫軍國。嘉謀屢中。遂服輿軫。驅馳三世。性深阻。有如城府。而  
能寬綽。曰容納。行任數。曰御物。而知人善采拔。故賢愚咸懷。小大

畢力爾乃取鄧艾于農隙引州泰于行役委呂文武各善其事故能西擒孟達東舉公孫淵內夷曹爽外襲王陵神略獨斷征伐四克維御羣后大權在己屢拒諸葛亮節制之兵而東支吳人輔車之勢世宗承基太祖繼業軍旅屢勦邊鄙無虧于是百姓與能大象始構矣立豐亂內欽誕寇外潛謀雖密而在幾必兆淮浦再擾而許洛不震咸黜異圖用融前烈然後推轂鍾鄧長驅庸蜀三關電掃劉禪入臣天符人事于是信矣始當非常之禮終受備物之錫名器崇于周公權制嚴于伊尹至于世祖遒享皇極正位居體重言慎法仁曰厚下儉曰足用和不弛寬而能斷故民詠惟新四海悅勸矣聿修祖宗之志思輯戰國之苦腹心不同公卿異議而獨納羊祜之策曰從善爲眾故至于咸寧之末遂排羣議而杖王村之決汎舟三峽介馬桂陽役不二時江湘來同夷吳蜀之壘亘通二方之險塞掩唐虞之舊域班正朔于八荒太康之中天下

書同文車同軌牛馬被野餘糧棲畝行旅草舍外閭不閉民相潤  
者如親其匱乏者取資于道路故于時有天下無窮人之諺雖太  
平未洽亦足目明吏奉其法民樂其生百代之一時也武皇既崩  
山陵未乾楊駿被誅母后廢黜朝士舊臣夷滅者數十族尋曰二  
公楚王之變宗子無維城之助而關伯實沈之卻歲構師尹無具  
瞻之貴而顛墜戮辱之禍日有至乃易天子曰太上之號而有免  
官之謠民不見德唯亂是聞朝爲伊周夕爲桀跖善惡陷于成敗  
毀譽習于勢利于是輕薄于紀之士役姦智曰投之如夜蟲之赴  
火內外混淆庶官失才名實反錯天網解紐國政迭移于亂人禁兵  
外散于四方方岳無鈞石之鎮關門無結草之固李辰石冰傾之  
于荆揚劉淵王彌撓之于青冀二十餘年而河洛爲墟戎羯稱制  
二帝失尊山陵無所何哉樹立失權託付非才四維不張而苟且  
之政多也夫作法于治其弊猶亂作法于亂誰能救之故于時天

子非暫弱也。軍旅非無素也。彼劉淵者。離石之將兵。都尉王彌者。青州之散吏也。蓋皆弓馬之士。驅走之人。凡庸之才。非有蜀先主諸葛孔明之能也。新起之寇。烏合之衆。非吳蜀之敵也。脫未爲兵。裂裳爲旗。非戰國之器也。自下逆上。非鄰國之勢也。然而成敗異效。擾天下如驅羣羊。舉二都如拾遺芥。將相王侯。連頭戮乞爲奴僕。而猶不獲。后嬪妃主。虜辱于戎卒。豈不哀哉。夫天下大器也。羣生重畜也。愛惡相攻。利害相奪。其勢常也。若積水于防。燎火于原。未嘗暫靜也。器大者不可曰小道治。勢動者不可曰爭競擾。古先哲王知其然也。是曰扞其大患。而不有其功。禦其大災。而不尸其利。百姓皆知上德之生已。而不謂浚已。已生也是曰感而應之。悅而歸之。如晨風之鬱北林。龍魚之趣淵澤也。順乎天而享其運。應乎人而和其義。然後設禮文。曰治之。斷刑罰。曰威之。謹好惡。曰示之。審禍福。曰喻之。求明察。曰官之。篤慈愛。曰固之。故衆知向方。皆

樂其生而哀其死、悅其教而安其俗、君子勤禮、小人盡力、廉恥篤、  
于家閭、邪僻銷于胃懷、故其民有見危、曰授命而不求生、曰害義、  
又況可舍、臂大呼、聚之曰于紀作亂之事乎、基廣則難傾、根深則  
難拔、理節則不亂、膠結則不遷、是曰昔之有天下者、所曰長久也、  
夫豈無辭主賴、道德典刑已維持之也、故延陵季子聽樂、曰知諸  
侯存亡之數、短長之期者、蓋民情風教、國家安危之本也、昔周之  
興也、后稷生于姜嫄、而天命昭顯、文武之功起于后稷、故其詩曰、  
思文后稷、克配彼天、又曰、立我蒸民、莫匪爾極、又曰、實穎實栗、卽  
有邠家室、至于公劉、遭狄人之亂、去邠之豳、身服厥勞、故其詩曰、  
乃畝候糧、于稷于穡、陟則在巘、復降在原、曰處其民、曰至于太王、  
爲戎翟所逼、而不忍百姓之命、杖策而去、故其詩曰、來朝走馬、帥  
西水滸、至于岐下、周民從而思之、曰仁人不可失也、故從之如歸、  
市居之、一年成邑、二年成都、三年五倍、其初每勞來而安集之、故

其詩曰乃慰乃止乃左乃右乃疆乃理乃宣乃畝。自至于王季能  
貽其德音。故其詩曰克明克類克長克君。載錫之光。至于文王備  
修舊德而惟新其命。故其詩曰惟此文王小心翼翼昭事上帝聿  
懷多福。由此觀之周家世積忠厚仁及草木內睦九族外尊事黃  
耆養老乞言。自成其福祿者也。而其后妃躬行四教尊敬師傅服  
澣濯之衣修煩辱之事。化天下。自婦道。故其詩曰刑于寡妻至于  
兄弟。自御于家邦。是。自漢濱之女守絜白之志中林之士有純一  
之德。故曰文武自天保。自。上治內采薇。自。下治外。始于憂勤終于  
逸樂。于是天下三分有二。猶。自。服事殷諸侯不期而會者八百。猶  
曰天命未至。自。三聖之智伐獨夫之紂。猶正其名教曰逆取順守  
保大定功安民和眾。猶著大武之容曰未盡善也。及周公遭變陳  
后稷先公風化之所由致王業之艱難者則皆農夫女工衣食之  
事也。故自后稷之始基靜民十五王而文始平之十六王而武始

居之十八王而康克安之故其積基樹本經緯禮俗節理人情恤  
隱民事如此之纏綿也爰及上代雖文質異時功業不同及其安  
民立政者其揆一也今晉之興也功烈于百王事捷于三代蓋有  
爲已爲之矣宣景遭多難之時務伐英雄誅庶桀已便事不及脩  
公劉太王之仁也受遺輔政屢遇廢置故齊王不明不獲思庸于  
亳高貴冲人不得復子明辟二祖逼禪代之期不暇待三分八百  
之會也是其創基立本異于先代者也又加之已朝寡純德之士  
鄉乏不二之老風俗淫僻恥尙失所學者已莊老爲宗而黜六經  
談者已虛薄爲辯而賤名檢行身者已放濁爲通而狹節信進仕  
者已苟得爲貴而鄙居正當官者已望空爲高而笑勤惰是已目  
三公已蕭杌之稱標上議已虛談之名劉頌屢言治道傳咸每糾  
邪正皆謂之俗吏其倚杖虛曠依阿無心者皆名重海內若夫文  
王日昃不暇食仲山甫夙夜匪懈蓋共嗤點已爲灰塵而相詬病

矣。由是毀譽亂于善惡之實，情慝奔于貨慾之塗。選者爲人擇官，官者爲身擇利，而秉鈞當軸之士，身兼官已十數，大極其尊，小錄其要，機事之失十恆八九，而世族貴戚之子弟，陵邁超越，不拘資次，悠悠風塵，皆奔競之士，列官千百，無讓賢之舉，子真著崇讓而莫之省，子雅制九班而不得用，長虞數直筆而不能糾其婦女莊櫛織紉，皆取成于婢僕，未嘗知女工絲枲之業，中饋酒食之事也。先時而婚，任情而動，故皆不恥淫逸之過，不拘妬忌之惡，有逆于舅姑，有反易剛柔，有殺戮妾媵，有黷亂上下，父兄弗之罪也。天下莫之非也。又況責之間四教，千古修貞順于今，輔佐君子者哉。禮法刑政，于此大壞，如室斯構，而去其鑿契，如水斯積，而決其隄防，如火斯畜，而離其薪燎也。國之將亡，本必先顛，其此之謂乎。故觀阮籍之行，而覺禮教崩弛之所由，察庾純賈充之事，而見師尹之多僻，攷平吳之功，知將帥之不讓，思郭欽之謀，而悟戎狄之有懷。

寬傳玄劉毅之言而得百官之邪核傳咸之奏錢神之論而觀寵  
賂之彰民風國勢如此雖曰中庸之才守文之主治之辛有必見  
之于祭祀季札必得之于聲樂范燮必爲之請死賈誼必爲之痛  
哭又況我惠帝曰蕩蕩之德臨之哉故賈后肆虐于六宮韓午助  
亂于外內其所由來者漸矣豈特繫一婦人之惡乎懷帝承亂之  
後得位羈于疆臣愍帝奔播之後徒廁其虛名天下之政旣已去  
矣非命世之雄不能取之矣然懷帝初載嘉禾生于南昌望氣者  
又云豫章有天子氣及國家多難宗室迭興曰愍帝之正淮南之  
壯成都之功長沙之權皆卒于傾覆而懷帝曰豫章王登天位劉  
向之讖云滅亡之後有少如水名者得之起事者據秦川西南乃  
得其朋案愍帝蓋秦王子也得位于長安長安固秦地也而西  
曰南陽王爲右丞相東曰琅邪王爲左丞相上諱業故改鄴爲臨  
漳漳水名也由此推之亦有徵祥而皇極不建禍辱及身豈上帝

臨我而貳其心將由人能弘道非道弘人者乎宿耀之烈未渝故

大命重集于中宗元皇帝

文選藝文類聚十一又見羣書治要二十九

晉紀論晉武帝革命

史臣曰帝王之興必俟天命苟有代謝非人事也文質異時興建不同故古之有天下者柏皇栗陸曰前爲而不有應而不求執大象也鴻黃世及曰一民也堯舜內禪體文德也漢魏外禪順大名也湯武革命應天人也高光爭伐定功業也各因其運而天下隨時隨時之義大矣哉古者敬其事則命曰始今帝王受命而用其終豈人事乎其天意乎

文選藝文類聚十三

晉紀論姜維

姜維爲蜀相國亡主辱弗之死而死于鍾會之亂惜哉非死之難處死之難也是曰古之烈士見危授命投節如歸非不愛死也固知命之不畏而懼不得其所也

蜀志姜維傳評

# 山亡論

夏桀之時、厲山亡、秦始皇之時、三山亡、周顯王三十二年、宋大丘社亡、漢昭帝之末、陳留昌邑社亡、京房易傳曰、山默然自移、天下兵亂、社稷亡也、故會稽山陰琅邪中有怪山、世傳本琅邪東武海中山也、時天夜風雨晦冥、旦而見武山在焉、百姓怪之、因名曰怪山、時東武縣山亦一夕自亡去、識其形者、乃知其移來、今怪山下見有東武里、蓋記山所自來、已爲名也、又交州脆山、移至青州、凡山徙皆不極之異也、此二事未詳其世、尙書金縢曰、山徙者、人君不用道士、賢者不興、或祿去公室、賞罰不由君、私門成羣、不救當爲易世變號、說曰、善言天者、必質于人、善言人者、必本于天、故天有四時、日月相推、寒暑迭代、其轉運也、和而爲雨、怒而爲風、散而爲露、亂而爲霧、凝而爲霜雪、立而爲蜚蜺、此天之常數也、人有四肢五臟、一覺一寐、呼吸吐納、精氣往來、流而爲榮衛、彰而爲氣色、

發而爲聲音此亦人之常數也若四時失運寒暑乖違則五緯盈縮星辰錯行日月薄蝕彗孛流飛此天地危診也寒暑不時此天地之蒸否也石立土動此天地之瘤贅也山崩地陷此天地之癰疽也衝風暴雨此天地之奔氣也雨澤不降川澤涸竭此天地之焦枯也

搜神記序

雖攷先志于載籍收遺逸于當時蓋非一耳一目之所親聞觀也亦安敢謂無失實者哉衛朔失國二傳互其所聞呂望事周子長存其兩說若此比類往往有焉從此觀之聞見之難一由來尙矣夫書赴告之定辭據國史之方策猶尙若茲況仰述千載之前記殊俗之表綴片言于殘闕訪行事于故老將使事不二迹言無異塗然後爲信者固亦前史之所病然而國家不廢注記之官學士不絕誦覽之業豈不巳其所失者小所存者大乎今之所集設有

承于前載者則非余之罪也若使采訪近世之事苟有虛錯願與先賢前儒分其譏誼及其著述亦足曰明神道之不誣也羣言百家不可勝覽耳目所受不可勝載今粗取足曰演八略之旨成其微說而已幸將來好事之士錄其根體有曰游心寓目而無尤焉

曾書千寶傳

司徒議

從事中郎之職各掌其所治之曹而紀綱其事體參輔謀議

左長史掌職檢其法憲明其分憲

掾屬之職敦明教義肅勵清風非禮不言非法不行曰訓羣吏曰

貫朝望各掌其所治之曹

御覽二百九

賜進士出身一百四十五人廣東等處提刑按察使司按察使兼管驛傳事務黃岡王毓藻校刊

全晉文卷一百二十八

烏程嚴可均校輯

王鑒

鑒字茂高堂邑人御史中丞潯子初爲元帝琅邪國侍郎中興  
建拜駙馬都尉奉朝請出補永興令大將軍王敦請爲記室參  
軍不就

竹簞賦

楚簞陳于玉房巴箱列于椒臺

書鈔一百三十三御覽七百八

勸元帝親征杜弢疏

天禍晉室四海顛覆喪亂之極開闢未有明公遭麻運之厄當陽  
九之會聖躬負伊周之重朝廷延匡合之望方將振長轡而御八  
荒埽河漢而清天塗所藉之資江南之地蓋九州之隅角垂盡之  
餘人耳而百越鴈祝于五嶺蠻蜀狼顧于湘漢江州蕭條白骨塗

地豫章一郡十殘其八繼呂荒年公私虛匱倉庫無旬月之儲三軍有絕乏之邑賦斂搜奪周而復始卒散人流相望于道殘弱之源日深全勝之勢未舉鑒懼雲旗反旆元戎凱入未在旦夕也昔齊放未募而申侯懼其老況暴甲三年介冑生蟣蝨而可不深慮者哉江揚本六郡之地一州封域耳若兵不時戢人不堪命三江受敵彭蠡振搖是賊踰我垣牆之內闕我室家之好黷武之眾易動驚弓之鳥難安鑒之所甚懼也去年已來累喪偏將軍師屢失送死之寇兵敗奔命賊量我力矣雖繼遣偏裨懼未足成功也愚謂尊駕宜親幸江州然後方召之臣其力可得而宣能罷之士其銳可得而奮進左軍于武昌爲陶侃之重建名將于安成連甘卓之壘南望交廣西撫蠻夷要害之地勒勁卒以保之深溝堅壁案精甲而守之六軍旣瞻戰士思奮爾乃乘隙騁奇擾其窟穴顯示大信開已生塗杜殺之頸固已鎖于麾下矣議者將曰大舉役重

人不可擬鑒謂暫擾已制敵愈于放敵而常擾也夫四體者人之  
所甚愛苟宜伐病則削肌刮骨矣然守不可虛鑒謂王導可委曰  
蕭何之任或曰小賊方蹙不足動千乘之重鑒見王彌之初亦小  
寇也官軍不重其威校逆得肆其變卒令溫懷不守三河傾覆致  
有今日之弊此已然之明驗也蔓草猶不可長況虎兕之寇乎當  
五霸之世將非不良士非不勇征伐之役君必親之故齊桓免胄  
于邵陵晉文擐甲于城濮昔漢高光武二帝征無遠近敵無大小  
必手振金鼓身當矢石櫛風沐雨壺漿不贍馳騁四方匪遑寧處  
然後皇基克構元勳已融今大獎之極劇于曩代崇替之命繫我  
而已欲使鑾旗無野次之役聖躬遠風塵之勞而大功坐就鑒未  
見其易也魏武既定中國親征柳城揚旂盧龍之嶺頓轡重塞之  
表非有當時烽燧之虞蓋一日縱敵終已之患雖戎略豪嶮不曰  
爲勞況急于此者乎劉玄德躬登漢山而夏侯之鋒摧吳儁祖親

派長江而關羽之首懸袁紹猶像後機挫衄三分之勢劉表臥守其眾卒亡全楚之地歷觀古今撥亂之主雖聖賢未有高拱閑居不勞而濟者也前鑒不遠可謂著龜識者或曰當今暑夏非出軍之時鑒謂今宜嚴戒須秋而動高風啟塗龍舟電舉曾不十日可到豫章豫章去賊尚有千里之限但臨之曰威靈則百勝之理濟矣既埽清湘野滌蕩楚郢然後班爵序功酬將士之勞卷甲縹旗廣農桑之後播愷悌之惠除煩苛之賦比及數年國富兵彊龍驤虎步已威天下何思而不服何往而不濟桓文之功不難憇也今惜一舉之勞而緩垂死之寇誠國家之大恥臣子之深憂也鑒曰凡鎖謬蒙獎育思竭愚忠已補萬一芻蕘之言聖主不棄成卒之謀先后採之乞畱神鑒思其所陳

晉書王鑒傳

傅純

純元帝初爲太常博士累遷散騎常侍有集二卷

雉賦

覽飛禽之可貴、偉翔雉之嘉形、應炎離之誕育、包造化之瀉精、鮮  
光皎粲、麗采繁盈、首同暉于昊天、垂玄景之綠青、體等耀于方彩、  
敷五色之華英、藝文類聚九十

惠懷愍別廟議

議者、旣欲據傳疑文、又欲安之陰室、據傳則所代爲禰、陰室非禰  
所處、此矛盾之說、夫陰室、曰安殤主、北向而陰、非人君正位更衣  
者、帝王入廟、便殿當歸盛位、漢明、曰存所常居、故崩、曰安神、而議  
謂卑于陰室、實所未喻、惠懷愍宜更別主廟、通典四十八

居親喪遭外總麻喪議

禮先重後輕、則輕服臨之、輕服臨者、新亡新哀、曰表新情、亦明親  
親不可無服、及其還家、復著重者、是輕情輕服已行故也、今新死  
若在千里、表應服者、曰官役爲限、奔臨無由、乃曰重包之、夫重服

自前亡非闕新死則新死無服也豈應服之親卒爲無服宜制新輕之纓已當往臨之服若新亡除旣了則反服先重自然包之前後二喪人情與服得兩濟乎或難曰服已禮爲主禮有往臨之纓而無便制之服如便制輕纓恐非禮也荅曰禮是經通之制而魯築王姬之館于外春秋已爲得禮之變明變反合禮者亦經之所許也通典九十七

難改葬復虞

夫葬已藏形廟已安神改葬之神在廟久矣安得退之于寢而虞之乎若虞之于寢則當復還耐于廟不得但虞而已通典一百二

葬應虞與不案王肅喪服記云改葬總旣虞而除之傳純難

梅陶

陶元帝初爲王敦諮議參軍後除章郡太守成帝初爲尚書拜光祿大夫有新論一卷集二十卷

鵬鳥賦序

余既遭王敦之難遂見忌錄居于武昌其秋有野鳥入室感賈誼

鵬鳥依而作焉御覽九百二十七

與曹識書論陶侃

陶公機神明鑒伯魏武忠順勤勞伯孔明陸抗諸人不能及也晉書

陶侃傳尚書與親人曹識書

自敘

余居中丞曾曰法鞭皇太子傅親友莫不致諫余笑而應之曰堂

高由于陛下皇太子所已得崇于上由吾奉王憲于下也吾敢枉

道曲媚後皇太子特見延請賜已情識之禮敬之如師書鈔三十

十二御覽二百二十六六百四十九

環濟

濟大興中爲太學博士有喪服要略一卷帝王要略十二卷

父母乖離議

春秋之義納室養姑承繼宗祀聘納事在可許仕進須俟清平

九十

李瑋

瑋爵里未詳

宜招魂葬論難孔衍

禮祖祭是送神也既葬三日又祭于墓中有靈座几筵飲燕之物非唯藏形也周武尚祭于畢李子復命于墓成公夢康叔相奪余饗既葬迎神而返博求神之道孝子未忍離其親耳且宗廟是烝嘗之常宇非爲仙靈常止此廟也猶園丘是郊祀之常處非爲天神常居此丘也詩曰祖考來格知是外至也又曰神保聿歸歸其幽冥也卜宅安厝亦安神也伯姬火死而叔弓如宋葬共姬皆其證也宋玉先賢光武明王伏恭范逵並通義理公主亦招魂葬豈

皆委巷乎通典一百三

公沙飲

飲北海人

宜招魂葬論

神靈止則依形出則依主墓中之座廟中之主皆所綴意髣髴耳若俱歸形于地歸神于天則上古之法是而招魂之事非也若吉凶皆質宮不重仇墓不封樹則中古之制得而招魂之事失也若五服有章龍旗重旒事存送終班秩百品卽生已推亡依情已處禮則近代之數密招魂之理通矣招魂者何必葬乎蓋孝子竭心盡哀耳通典一百三

谷儉

儉字士風湘州桂陽人中興初刺史甘卓舉秀才策試高第除中郎尋歸不復仕有集一卷

角賦

夫角已類推之蓋黃帝會羣臣于太山作清角之音伯兩鳳之雙鳴若二龍之齊吟如丹蛇之翹首侶雄虵之帶矢御覽三百三十八

夫沒歸宗未嫁而亡爲服議

婦人夫沒無子有歸宗更出之義今姑愍彼無嗣令還其黨欲令更出則衛莊姜遣陳嬀之比也于兄弟之家者兄弟宜服周受姑命而歸宗夫之餘親不應有服通典九十九

虞子卿

子卿爵里未詳

駁谷士風議

士風所議婦人夫沒無子有歸宗更適之義昔姜氏曰殺嫡立庶歸齊怨魯陳嬀曰子死君卒于禮宜歸此婦非姜氏義絕之倫無陳嬀應出之事其姑愍其守寡欲令更適此代俗之常意非教訓

之道也。衛共伯之妻父母欲奪而嫁之。誓而不去。就有姑命。未可要謂之必出也。

通典九十九

孫霄

霄。會稽人。爲琅邪國右常侍。

諫爲琅邪王煥營起陵園疏

臣聞法度典制先王所重。吉凶之禮。事貴不過。是已。世豐不使奢。放凶荒必務約。殺朝聘嘉會。足已展庠序之儀。殯葬送終。務已稱哀榮之情。上無奢泰之謬。下無既竭之困。故華元厚葬。君子謂之不臣。嬴博至儉。仲尼稱其合禮。明傷財害時。古人之所譏。節省節約。聖賢之所嘉也。語曰。上之化下。如風靡草。京邑翼翼。四方所則。明教化法。制不可不慎也。陛下龍飛踐阼。興微濟弊。聖懷勞謙。務從簡儉。憲章舊制。猶欲節省禮典所無。而反尚飾此。臣愚情竊所不安也。棺槨輿服。旒翬之屬。禮典舊制。不可廢闕。凶門柏歷。禮典

所無天晴可不用遇雨則無益此至宜節省者也若瑣邪一國一時所用不爲大費臣在機近義所不言今天臺所居王公百寮聚在都輦凡有喪事皆當供給材木百數竹薄千計凶門兩表衣呂細竹及材價直既貴又非表凶哀之宜如此過飾宜從儉簡又案禮記國君之葬棺槨之閒容柩大夫容壺士容甌呂壺甌爲差則柩財大于壺明矣槨周于棺槨不甚大也語曰葬者藏也藏欲其深而固也槨大則難爲堅固無益于送終而有損于財力凶荒殺禮經國常典旣滅殺而猶過舊此爲國之所厚惜也又禮將葬遷柩于廟祖而行及墓卽窆葬之日卽反哭而虞如此則柩不病于墓上也聖人非不哀親之在土而無情于丘墓蓋曰墓非安神之所故修虞于殯宮始則營草宮于山陵遷神柩于墓側又非典也非禮之事不可已訓萬國臣至愚至賤忽求革前之非可謂狂瞽不知忌諱然今天下至弊自古所希宗廟社稷遠託江表半州之

地凋殘，已甚。加之荒旱，百姓困瘁，非但不足，死亡是懼。此乃陛下至仁之所矜愍，可憂之至重也。正是匡矯末俗，改張易調之時，而猶當竭已罷之人，營無益之事，殫已困之財，修無用之費，此固臣之所不敢安也。今琅邪之于天下，國之最大，若割損非禮之事，務遵古典，上以彰聖朝簡易之至化，下以表萬世無窮之規則，此芻蕘之言，有補萬一塵露之微，有增山海。

晉書琅邪悼王煥傳

沈充

充字士居，吳興武康人。爲王敦參軍，遷吳興太守。從敦舉兵敗，歸爲故將吳儒所殺。有集二卷。

鷺賦序

先大夫俞頴川者，殊精意于養鷺，求得可鷺，類于張猛虎，亦多好者。于時有綠眼黃喙，折翼赤頭，家家有焉。然經頴川之好者，焦叔明、呂太康中，得大蒼鷺，從喙至足四尺，有九寸，體色豐麗，鳴聲鷺。

人三年而為暴犬所害惜御覽其不終故為之賦云  
十一御覽九

百十

楊泓

引爵里未詳

拂舞序

自到江南見白符舞或言白鳧鳩舞云有此來數十年察其詞旨  
乃是吳人患孫皓虐政思屬晉也宋書樂志

劉嘏

嘏明帝時濮陽太守

上司徒府辨同姓為婚

同姓庶姓有正姓有復姓有單姓鍾云出于鍾離之後胡母與胡  
公同本復鍾單鍾復胡單胡今年共婚不呂損一字為疏增一字  
為親不呂共其本為悔取其同者為吝宜理在可通而得明始限

之別故婚姻不疑耳今竝時比俗罕齊代等至于庶姓禮記書其別于上始祖正姓明其斷于下呂之通議則人倫無闕案大常總言博士議述敘姓變爲始祖者始此姓爲祖也此旣非禮所謂始祖爲正姓之義卽便棄經從意謂義可通如今眾庶之家或避國諱遁仇逃罪變言易姓者便可皆言是始祖正姓爲婚之斷如此禮稱附遠厚別百代不通之義復何所施乎此惑之甚者也論者又曰爲開通同姓婚則令小人致濫案禮自有限禁之外本自禮所不責不可曰不禁禮所不應責者而云通禮所應責也王皆王沈魏晉名儒同周室之後共婚者二門譜地皆存昌黎張仲娶范陽張樾妹諮張公而後婚今日若攷經據事足曰取正唯大府裁之

通典六十族陽太守劉昫與同姓劉曉婚司徒下太常諸博士議非之昫曰爲云云

與卞壺疏

堯妻舜女其代不遠又春秋云畢原鄆郇文之昭邢晉應韓武之

穆代俗之所惑上惑堯舜之代下惑應韓之昭穆欲追過堯舜邪則輕歷聖人議者或謂魏蕩蕩之德可已掩堯舜之疵或謂代近姓異可已通應韓之婚豈其然哉若代近姓異可已通應韓之婚則周公立百代之限禮記云娶于異姓附遠而厚別此二義復何所施如其不然則明始限之外堯舜可已婚禮終之後應韓可已通堯舜之婚已正姓分絕于上應韓之通庶姓異終于下也絕則無繫終則更始斷可識矣

通典六十

黃士度

士度爵里未詳

屏風頌序

太監三年皇帝詔造殿上寶御屏風寶劍嘉茲屏風帝王之服謹

爲述頌

書鈔一百三十二

賜紫綬

書鈔十九

楊方

方字公回會稽人王導辟爲司徒掾轉東安太守遷司徒參軍  
出爲高涼太守有五經鈎沈十卷吳越春秋削繁五卷集二卷  
琴篴賦序

羽儀采綠采先軾鼓裳起于造木篴篴祖琴琴考筑箏作茲器于

漢代猶擬易之立經

初學記十六

宋本誤同朋刻本鼓作箏木作衣

爲虞領軍薦張道順文

蓋聞驪龍之珠必沈紫泉之裏垂天之翼必翔青冥之表竊見處  
士吳國張道順天挺珪璋明達清秀下筆掩彫龍之文發言吐談  
天之藻慕西道之陽生希北巷之顏回若得清水淬其鋒越砥礪  
其鏐必騰躍天路出觀聖世

御覽六百三十二

孔恢

恢咸和初爲句容令升平中爲太常博士太和末爲祠部郎

太宰武陵王爲所生母服議

禮云庶子爲父後者爲其母總又云公之庶昆弟大夫之庶子爲母九月鄭云君卒子爲母大功大夫卒子爲母三年經文則一而鄭有二疑太宰若從三年之制爲重則應從九月無應從總麻之理且太宰曰天子之庶出繼諸侯本無應厭降之道太宰今承諸侯別祀又不同庶姓相後有承繼大宗之義應從降一等之制從九月亦降一等應服五月出後者之子亦皆還降其本親祖父母伯叔一等又禮無蕃王出後本親與庶姓有異之制

通典八十二

武陵王所生母喪乞齊縗三年詔聽依昔樂安王故事制大功九月太常江夷上博士孔恢議云云

庾家爲孝庾后服議

庾家男女宜齊縗庾家諸婦雖非五屬女今見在五屬之內亦服

周通典八十一孝后崩庾家訪服嗣部郎孔恢云

議曹耽等事

禮無解職厭降之文。今有去官從本官之品。典律竝愆。軌訓有違。案耽等竝已凡才。荷蒙榮飾。或濯纓清波。不能仰遵王度。自同隸人。愆義違則虧顯。王猷請已見事。免耽等所覆除官。通典九十國哀廢樂議

素會宜都去懸設樂爲作不作則不宜懸也。孟獻子懸自是應作而不作耳。故天子自加于人一等。非爲不應作而應懸也。國諱尚近。謂金石不可陳于庭也。通典一百四十七晉有后喪下太常曰朝廷遇密則素會時云應懸而樂傳士孔恢

議  
應碩

碩爲汝南太守有集二卷

祝祖文

元首肇建吉酉辰良五政數惠四教初揚萬類資新英穎擢章谷風滌歲日和時光命于嘉賓宴茲社箱敬饗祖君休祚是將嘉肴

綺錯白茅薦恭有肉如墀有酒如江祖君既卷祇肅威容藝文類聚五

張浚

浚一作俊為宗正卿有集五卷

白兔頌

其毛春素纖毫秋黑點綴五采漸染粉墨蓋久隱時見應世德也徐疾備體達消息也資質皓朗民之則也被白含文好無極也秦失鹿于近郊晉得免于遠境藝文類聚九十五

弘誦

誦成帝時為尚書郎

議加贈卞壺爵號

死事之臣古今所重卞令忠貞之節當書于竹帛今之追贈實未副眾望謂宜加開司之號已旌忠烈之勳晉書卞壺傳

重議卞壺贈諡

夫事親莫大于孝，事君莫尚于忠。唯孝也，故能盡敬竭誠；唯忠也，故能見危受命。此在三之大節，臣子之極行也。案壹委質三朝，盡規翼亮，遭世險難，存亡昌之受顧託之重，居端右之任，擁衛至尊，則有保傅之恩，正色在朝，則有匪躬之節。賊峻造逆，戮力致討，身當矢旃，再對賊鋒，父子并命，可謂破家爲國，守死勤事。昔許男疾終，猶蒙二等之贈，況壹伏節國難者乎？夫賞疑從重，況在不疑，可謂上準許穆，下同嵇紹，則允合典謨，克厭眾望。晉書下壹傳

朱暎

暎，成帝時尚書郎。

邵廣事議

天下之人，父無子者少，一事遂行，便成永制，懼死罪之刑，于此而

弛。晉書范堅傳通典一百六十六

徐叔中

叔中北海人爲博士弟子

父卒繼母還前親子家繼子爲服議

曰前問不立甲乙爲名禍于義不便合已母爲甲先夫爲乙後夫爲丙先子爲丁繼子爲戊丙言可爾必慮事宜順其至情非虛欺也臨終不命知死之後制不在已故也甲不中求信之前言也本有未還之計去誓不還葬之辭生則已不得養死則不與已父同穴就不成嫁當爲去母附之于嫁不亦宜乎

通典九十四

賜進士出身二品銜廣東等處提刑按察使司按察使兼管驛傳事務黃岡王毓藻校刊